



- **Sorvidús:** por en Pasca periunse endô der bel do val' üs por nÿsc ministranc y nostes ministrantes. Der bel iolan!
- **Confermaziun:** l'Unité pastoral Val Badia á publiché i termins por l'ann 2019; **ai 26 de ma 2019 gnará sig. Markus Moling a confermé a AI Plan.**
- **KVW La Pli:** do les lites dal KVW fej pert dal consei por i proscimi agn: Marta Erlacher Feichter, Jan Willeit, Brigitte Pezzei Kastlunger, Barbara Mühlmann, Emma Frontull, Rita Eppacher Erlacher. Sce zacai é enteressés da se scri ete pal Kvw éσαι peries da se lasce adentene pa en member dal consei.
- **Mostra en segno de to amur:** la "Südtiroler Krebshilfe" met da jí en Pasca do la gran messa l'aziun „**Na resa por la vita - daidé por daidé**". Por Osc segno de solidarité Ves dijunse belo danfora bel iolan y Ves aodun na Bona Pasca!



enformaziuns y termins

Grup Decanal: le Grup Decanal adôm a dÿc i grups dai jogn dla Val Badia envieia dÿc ala Velia dla Jöbia Santa, en jöbia, ai 29 de merz ales 22:45 tla dljia da Oies.

Sorvisc ai Jogn/1: le SaJ pita endô na consulenza tal marcé y tal monn de laur con Giorgio Costabiei. Jogn y/o geniturs á la poscibilité da ciáfé conseis sön i temesc co reverda le monn dal laur, poscibilités de posc de laur tla Val Badia por stüdens, formes de paiamont, practicums, assicuraziuns, canidatöres yii. La consulenza gnará tignida en dedemesaledema ai 28 de merz dales 16:00 ales 18:00 tla sonta dal SaJ a Pocolin. An podará baié singlarmonter con le consulent. Al n'ô ester degüna prenotaziun.

Sorvisc ai Jogn/2: le SaJ chir da atira n/na colaboradú/essa. Preitambel mené la domanda, con descriziun dla motivaziun y le curriculum, por mail anter la jöbia ai 29 de merz a valentin@jogn.org. Info sot a www.jogn.org o pa Valentin, ☎ 335 5400890.

Zenter Families: le ZFM Mareo envieia i mituns dla scora elementara y mesana acompagnés da n genitur a fá la coa da Pasca de preza con Rosmarie, en dedemesaledema, ai 28 de merz ales 15:00 da Rosmarie (sön Pipa, Ches Costes 5). Le cost é de 5,00 €. Da se prenoté anter i 26 de merz pa Rosmarie, ☎ 339 5912655.

Mostra: la mognan sr. Monica Moling de Cestun da La Val coltieveia belo da agn te so tomp lede na gran pasciun por l'ert figurativa realisenn acuarei con de vigne sort de motifs y adoren les techniches desvalies. Dai 5 d'aorí ai 6 de ma sarál da odei tal setur d'entada (foyer) dla Ciasa de Palsa a San Martin na esposiziun de sü cuadro. Dÿc i enteressés é enviés ala daurida en jöbia ai 5 de aorí ales 17:00.

Ocio: le dotur Aldo Marcocci lascia alessei che en lönesc ai 26 de merz sarál t'ambulatore ma danmisdé dales 8:15 ales 11:45 y nia da sera.

Döt le bun a: dÿc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Osanna!

Benedí sides chel co ven tal ennom dal Signur.

📖 Is 50, 4–7 | Fil 2, 6–11 | Mc 14, 1 – 15, 47 (15,1 - 39)

Dal Vangelo do San Merch:

Al ea valgügn dis dan la festa de Pasca. ¹Canch'ai roâ dlungia lerúsalem, a Bétfaghe y Betânia sön la Munt dal Orí, á Gejú orcé dui discepuj danfora. ²Al ti á dit: Jide tal paisc co é dan os; atira canch'i roeis ete, ciafareise n müsc taché sön chel ch'al n'é ciamó sté degügn co s'á sonté. Destachédele y condüjédele adalarch! ³Y sce zacai ves dij: Ci fajeise pa atló?, spo respognede: Le Signur l'adora; al le condüjará defata derevers. ⁴Sön chera éσαι jÿs y á ciáfé dan na porta sön strada n müsc jonn taché, y ai l'á destaché. ⁵De chi co ea danló ti á dit: Ci ves tómel pa ete da destaché cösc müsc? ⁶Al ti á respognü ci che Gejú ti á dit, y an i á lascé fá. ⁷Al á condüt le müsc jonn da Gejú, á motü sÿ guanc sön le tier y spo s'al sonté lassora. ⁸Y trec destenea sÿ guanc ia por tru, d'atri tirá ia brüscas dai ciamps y les sternea ia por tera. ⁹La jont co ti jea danfora y co ti jea do scraia: Osanna! Benedí sides chel co ven tal ennom dal Signur. ¹⁰Benedí sides le regn de nosc pere Davide co ven sen. Osanna alalt!

Oraziun dal de

Periun! Dio onipotent y etern, olghenn a töa orenté, é nosc Redentur diventé persona umana; al s'á arbassé y s'á umilié sot l'infamia dla crusc. Deidesse da ti jí do sön le tru de söa pasciun, por podei tó pert a söa ressureziun. Do cösc te periunse por el, Gejú Crist, to Fi, co é Dio y vir y regneia con te t'unité dal Spirit Sant por dÿc i secui dai secui. – Amen.

(Lezionar B)



📖 *Letöres dla Gran Festa de Pasca:*

St.Ap 10, 34a.37–43 | Col 3, 1–4 | 1 Cor 5, 6b–8 | Jan 20, 1–18

| LITURGIA DL'EDEMA SANTA dai 25.03. ai 01.04.2018 | |
|--|---|
| DOM 25. → 08:15 | Domegna dal orí, FESTA DAL INGRES DE GEJÚ A IERÚSALEM → la gran festa dl'Anunziasiun a Santa Maria sará ai 9 d'aorí benedisciun dal belorí jö dal paiun, prozesciun te dlijia, gran messa por döta la ploania con la Pasciun do San Merch |
| Lön 26. → | <i>dl'edema santa</i> Larissa (Lara), Tecla de d'oraziun personala y te familia |
| Ded 27. 07:30 | <i>dl'edema santa</i> Haimo, Frowin s.m. ad intenziun de na familia s.m. en onú de San Padre Pio da Pietralcina |
| Dem 28. → 19:30 | <i>dl'edema santa</i> Guntram, Wilhelm, Ioana les Staziuns con l'Uniun dles Eres |
| Jöb 29. → 19:30 | JÖBIA SANTA Helmut, Wilhelm, Ludolf s.m. dl'Ultima Cena de ringraziamont por l'Eucaristia y le Sazerdoze, s.m. por †† Florian Baldissera y Massimo Topran Cutin s.m. por † Jep Konrater y †† Leopold y Anna Erhard ♪ <i>Johann Kircher, "St. Canisius-Messe"</i> adoraziun dal SS. Sacramont tla „Fossa Santa“, velia con la Joneza y poscibilité d'adoraziun personala y chita cina les 22:00 |
| Ven 30. 15:00 | VENDRES SANC Diemut, Roswita liturgia dal Vendres Sanc con la Pasciun do San Jan, veneraziun dla Santa Crusc, funziun dla Comegnun → oferta de Carsema |
| Sab 31. → 20:00 | SABEDA SANTA Cornelia, Guido, Benjamin funziuns dla Net de Pasca: benedisciun dal fú y dal cere, "Exultet", liturgia dla Parora, s.m. ciantada por †† Heinrich y Rosa Agreiter, benedisciun dal'ega y renovamont dles empormetüdes dal Bato ♪ <i>Karl Nussbaumer, "Festmesse"</i> |
| DOM 01. 08:30 → 15:00 | GRAN FESTA DE PASCA Irene, Hugo, Gilbert salüde ala festa, "Vidi aquam", gran messa ciantada solena por döta la ploania, benedisciun dal signé, ♪ <i>Robert Führer, "Festmesse in C"</i> oferta por i debojügn dla ploania espi da festa y benedisciun eucaristica |
| <i>ampola:</i> | por la familia dal Cargá |
| <i>ministronc:</i> | ▶ da doman y domegna: Miriam y Laura Palfrader ▶ da sera y domegna: Johanna Konrater y Sonia Erardi |
| <i>i recordun:</i> | Sr. Ludovica, Notburga Mühlmann, Balsan + 29.03.2014 Maria Kehrer, Porsenú + 30.03.2012 Maria Agreiter ved. Chizzali, San Martin + 31.03.2012 |



I dis co á müde le monn - l'edema plü emportanta de döt l'ann:
Gejú mör y rosseresc por nosta salveza!

Domegna dal orí – Osanna al Fi de Davíde!

I prei ensciö: Desche la jont da lerúsalem destenn fora sù mantí, ensciö nos orunse meter fora dan da te nüsc guanc. Nia iestes de drap, mo de operes de bunté. I ne les tolun nia ca por se iestí mo por vire endortöra. Tö i vas adancuntra al momont plü rio y dramatisch de töa esistenza.

I oresson sté pa te y te daidé, te lascé sontí nosta amicizia, alisiré to dolor. Endere, tö conesces nosta debleza, te sas che ince nos s'an fósson sciampés desche tü discepuí á fat. Magari esson ince nos scraíe con i atri "Sön la crusc empara!" Pordona nostra infedelté, mo te dess sei ch'i t'orun bun!

Jöbia Santa – N amur zonza confins

I prei ensciö: Encö, Gejú, este gnü embaní da n amí, mo tö as rospognü con n gest d'amur y de pordonn. Te as orü i laé i pisc ai apostui, t'es diventé en so stlaf, y as dé n ejempio deschi desson vire por ester de tü der discepuí.

Tö te das ca te n to' de pan y te n caresc de vin: na gran scincunda, co é roada, tres i secui, cina a nos, se lascia jö sön nüsc altés, passa te nostes mans, va ete te nüsc cörs. Gní a te ciafé por vire con te y desco tö, te tó sò te por tó sò düc i fredesc co tlochereia a porta, te sorví te por sorví i püri de cösc monn.

Vendres Sanc – L'ultima scincunda

I prei ensciö: Desco na fontan co tol la sei, ensciö é to cör, Gejú. Te cösc cör podunse ciafé döt le ben por nosta vita: pêsc, amur, ligreza y speranza. Cösta scincunda t'é gnüda cera: ara t'á costé la vita.

Encö ciari sö da te, söla crusc. En dé dla rialöna, deache te messes morí y ciodi che cösta mort é früt dla violenza y dla cativeria dla jont. Gnanca da creie ci co t'é sozedü: tö, che t'as ma fat dal ben, vegnes condané da chi co á podü le pié do. Te períe pordenanza é massa püch: fá ch'i sunse bogn da emplí nüsc dis con l'amur por te daidé müde l'umanité.

Sabeda Santa – Gejú Crist é vi!



Ensciö te periunse, Signur: cösta ciandera, ofrida sö en onur de to ennom, lomini entres ennant, por stlarí le scür de cösta net. Ara röi da te desco l'odur dal ancionsc, y so lominus se mosciödi con le lominus dles steres dal ci. Ara lomini cina che la stera dla doman comparesc, che stera co ne se destödará mai: To Fi, nosc Signur, Gejú Crist, resson da mort, co lascia lominé söla jont söa löm pascala y co vir y regneia con te, por düc i secui dai secui. Amen dal "Exultet"